



東坡內制集卷第九

中太一宮真室殿為

太皇太后消災集福罷散天皇九曜道場朱表



臣言仁者必壽信惟天地之心孝無不通宜從臣子
之欲虔遵道範仰扣真廷庶同海宇之誠上集 慈
闈之福天威咫尺求聰明於我民聖壽萬年定子孫
于下地更推博施普及函生

顯聖寺壽聖禪院開啓

太皇太后消災集福粉壇道場齋文

伏以躬儉節用本嚴房闈之風遺大投款振當廟社

之寄常恐德之弗類以召災于厥身敢以仁祠肆陳
淨供恭延梵釋普施人天俾壽而康非以輔安於寡
昧與民同利固將燕及於華夷仰冀能仁曲垂照鑒

後苑瑤津亭開啓祈雨道場文

伏以常暘之沴歷月于茲近自都畿遠及閩輔豈獨
西成之害將爲宿麥之憂仰止覺慈必垂善救普集
山川之宇來登梵釋之筵罔吝膏濡以興焦槁

閣門賜新除徐王告口宣

元祐三年八月十二日

有敕卿望隆尊屬德冠宗藩改殿大邦實諧群議
往服朕命以爲國華

皇叔故魏王啓殯祭文

惟靈龍象累朝之餘慶兼天下之達尊祖以之儀哀祭
斯極永惟宅兆之卜未逢歲月之良參酌時宜遷神
郊館啓殯之始寓哀斯文

皇叔故魏王外殯前一夕夜祭文

惟王之生孝友仁慈既沒元身舉國懷思矧予冲眇
義兼父師天不我遺日月如馳出次近郊寓此仁祠
親奠莫及寧知我悲

皇叔故魏王下事祭文

惟靈出就外邸二年于茲一日不見企予望思矧此告

終月逝日遠雖云近郊寧復旋返築室祠宮既固既完雖非求歸亦可少安嗚呼哀哉

賜皇叔改封徐王顯上表辭免冊禮允詔元祐二年

八月二十日

敕卿大雅不羣自得詩書之富為善且以樂不知軒冕之榮既殿文邦宜膺盛禮而抑損之志遂廵不居雖莫稱朕所以極褒崇之心而將使卿庶幾獲謙冲之福勉從其意嘉歎不忘

賜皇叔改封徐王顯上表辭免冊禮許詔

敕顯錫山土田以昭令德備物典冊蓋有常儀而卿

深懼滿盈過形抑畏一謙四益當古公永年三命滋恭固將有後曲成美志以勸事君宜依之川乞

賜太師平章軍國重事文彥博上第一表乞致

仕不許批荅元祐二年九月二日

覽表具之昔師尚父九十秉旄杖鉞猶未告老此諸

葛元遜所以屈張昭也而衛武公百一年猶箴儆於國日無以我老耄而捨我此左史倚相所以誨申公也今卿壽考康寧而退托衰病自引亦去獨不念天下

之士有如彼二子者議其後乎姑安取官以答公論

賜太師文彥博上第一表乞致元祐二年

九月
二日

覽表具之朕聞之成王之政周公在前召公在後畢
公在左史佚在右四手揆而維之目見正色耳聞正
言一日即位天下曠然未聞四子者以老而求退亦
未聞成王以老而聽其去也朕雖不德猶庶幾成王
之治卿雖老矣獨不能以四子之心而忽乎勉卒輔朕
無愧前人

賜太師文彦博乞致仕不允斷
來章批荅口宣

元祐三年
九月五日

有敕耆老在位華夷聳觀若聽公歸
恐失民望朕命

不生公其少留

賜龍圖閣學士河東路經畧使兼知太原府曾

布乞除一閑慢州郡不允詔
元祐三年七月二十一日

敕曾布將不久任難以責成謀不立系定難以應猝卿
屢試而用所臨有聲而况二年于茲諸將所服事既
即叙人誰易卿夫構虛攻瑕兵家常勢知難避整夷
狄亦然卿若有以待之彼將望而亡矣勉卒乃事毋
忘朕言

故尚宮吳氏墳所祭文

惟爾之生服勤乃事逢日之吉歸全于郊式榮其終

往致斯奠

西路關雨於濟瀆河瀆淮瀆之廟祈雨祝文

伏以水旱之事山川所司農服穡以有秋天密雲而不雨愧我不德瀆于有神願為三日之霖大慰一方之望國有常報我其敢忘

撫問秦鳳路臣寮口宣

元祐三年七月二日

有敕卿等久以選掄出分憂寄疆場之重綏御為勞宜示眷懷往宣指諭

除皇伯祖宗晟特起復制

元祐三年十一月一日

門下曾閱之哀喪不貳事漢唐之舊禮有奪情矧

予為屏之親實兼臣子之重雖閨以恩掩義而公侯

以國為家伯臣司宗職不可曠要經服事古有成言

非予爾私其聽朕命皇伯祖彰化軍節度涇州管內

觀察處置等使檢校司空開府儀同三司持節涇州

諸軍事涇州刺史判大宗正事上柱國高密郡王食

邑七千八百戶食實封二千四百戶宗晟天資純茂

德履方嚴襲餘慶於祖宗蹈格言於師保典司屬

籍克有令名郢客卒業於浮丘辟疆受知於先帝允釐

取位無愧昔人屬此閔凶纍然毀瘠嗟日月之逾邁

重職業之久虛宜復寵名式從權制於戲出居官次

非王事不談退適倚廬讀喪祭之禮則忠孝兩得人
無間言功名益隆親有顯譽言勉服朕訓光昭前聞

賜皇伯祖宗晟辭免起復恩命不允批荅口宣

元祐三年十一月十一日

有敕官不可曠禮有從權苟愛君如愛親則王事為
家事勉遵舊服少屈私誠

賜皇伯祖宗晟辭免起復恩命不允斷來章批

荅口宣 元祐三年十一月十八日

有敕卿哀慕未衰懇辭彌力既寒暑之一變宜志
孝之兩全勉從朕言起服乃事

相州賜大遼賀興龍節使副御筵口宣 元祐三年十一月六日
有敕卿等將命鄰邦服勤郵傳久薄風露少林車徒
宜體眷懷式同燕行

賜知渭州劉昌祚進奉興龍節銀詔 元祐三年十一月六日

敕昌祚卿禦侮邊庭馳神魏闕會皇嘉辰之獻壽納
貢篚以效珍載省忠勤不忘褒歎

相州賜大遼賀興龍節人使回程御筵口宣 元祐三年十一月九日

有敕卿等夙駕歸軒少休旁郡眷言勞勩良極顧
懷往錫燕嘉以旌恩眷

撫問知大名府馮京口宣元祐三年閏

有敕卿等夙分重寄言念久勞歲聿云周王事靡盬
益加輔養以副眷懷

冬季傳宣撫問河北東路沿邊臣寮口宣元祐三年

閏十二月八日

有敕疆場之守職思其憂霜露既凝歲聿云暮宜
加厚愛以副眷懷

賜知渭州劉昌祚進奉謝恩并賜月俸公使及

賀端午節馬詔元祐三年十一月二十四日

敕昌祚卿執德宏毅秉心恪恭拜新渥於公朝謹舊

儀於令節抗章來上因物見誠再省忠勤良深嘉歎

內中御侍已下賀

皇帝冬至詞語元祐三年十一月三十日

伏以日合天統時推建子之正律中黃鍾氣驗微陽
之應德施自上惠均於民伏惟 皇帝陛下道配皇

王化行夷夏觀其來復見乎天地之心靜以無為待
此陰陽之定雲物告瑞宮聲協和豈惟至治之祥自

得上天之祐一人有慶萬壽無疆安等蒙被天光叨
塵婦職敢獻如山之祝庶同率土之歡

內中御侍已下賀

太皇太后冬至詞語

伏以書奏清其驗曆象之邃密日移黃道迎化國之
舒長寰宇和平宮闈歡豫恭惟 太皇太后陛下教
隆陰禮位正坤儀嗣大任之徽音道光千古衣明德
之大練儉化六宮體系靜以臨朝配清明而燭物慶
雲可望共占至治之祥彤史何知莫贊無為之德妾
等猥參女職仰奉 慈顏因來復之一陽祝無疆之
萬壽

內中御侍已下賀

皇太后冬至詞語

伏以候氣慶辰喜律簡之已應課功絲線知官日之
初長品物向榮披廷胥悅恭惟 皇太后殿下母臨
四海婦應東朝求賢審官但有憂勤之志躬儉節用
豈忘澣濯之衣宜福祿之日康樂宮闈之無事妾等
濫塵木職獲奉 慈顏願先柏酒以稱觴更指椿年
而獻壽

賜樞密安燾已下罷散興龍節道場香酒果口

宣

元祐三年十
二月二日

有敕樞機之臣社稷是衛夙設人天之供共祈箕翼
之祥宜膺寵頒式助燕喜

賜駙馬都尉李瑋已下罷散興龍節道場香

酒果口宣元祐三年十一月二十日

有敕震夙紀辰邇遐同祝乃眷戚藩之重預修淨供之嚴亦既告成宜膺寵錫

賜殿前副都指揮使苗授已下罷興龍節道場

香酒果口宣元祐三年十一月二十日

有敕卿等以衛上之忠屬誕彌之慶預嚴淨會以薦壽祺及此告成宜加寵賚

賜權管勾馬軍司公事姚麟已下罷散興龍節

道場酒果口宣元祐三年十一月二十日

有敕卿等率職周廬歸誠梵宇共致延鴻之祝出於忠愛之深宜錫珍芳以助燕衍

賜皇伯祖宗晟辭免起復恩命不許詔元祐三年十一月二十日

敕宗晟夫要經服事出於孔門墨衰從政見於魯史永惟徇國忘家之義非有食稻衣錦之嫌若非使卿居之而安則吾豈敢強所不欲勉從前詔往服厥官

賜皇伯祖宗晟辭免起復恩命不允詔元祐三年十一月二十日

敕宗晟卿德爵與齒皆天下達尊服屬之隆為宗室祭酒任獨高於三世報宜異於常人故奪情非以私卿而服事所以徇國義無所愧何以辭為

賜正議大夫知鄧州蔡確乞量移弟碩允詔

十二月九日

敕蔡確以義責備春秋有失教之譏以情內恕詩人有將母之念頌之得罪事在有司難以貴近之親而廢朝廷之典及觀來請有既予心重違兄弟急難之詞以傷人子奉養之意

興龍節尚書省賜宰相已下酒果口宣

元祐三年十二月

有敕誕彌之慶中外所同眷我臣鄰共茲熙喜宜加寵賚以示眷懷

就驛賜大遼賀興龍節使副鈔鑼等口宣

元祐三年十二月

十二月二日

有敕卿等肅將鄰好遠涉寒塗眷言授館之初宜有勞來之禮往加寵錫以示眷懷

七月賜大遼賀興龍節人使內中酒果口宣

元祐三年五月五日

有敕卿等扼車就館布幣造廷旣欣鄰好之修復歎使華之美就加寵賚式示眷存

玉津園賜大遼賀興龍節人使射弓御筵口宣

有敕卿等使節有華鄰歡載講旣娛賓於靈囿將觀德於射侯宜有寵頒以旌命中

相州賜大遼賀正旦人使御筵口宣元祐三年十一月十日
有敕卿等春朝畢會鄰聘交馳屬徂歲之沍寒念遠
勤於行李往頒燕衍以重使華

趙州賜大遼賀正旦使副茶藥口宣元祐三年十一月十日
有敕卿等遠修舊好屬此沍寒載歷山川久蒙霜露
宜有精良之賜式彰軫念之懷

趙州賜大遼賀

太皇太后正旦使副茶藥口宣元祐三年十一月十日
有敕卿等遠馳四牡來慶三朝屬此歲寒勞於行役
宜膺寵錫以示眷存

正旦館賜大遼賀正旦龍節人使到闕御筵口宣
有敕卿等遠將鄰好至止都門屬霜霧之嚴疑念車
徒之勤瘁宜伸燕衍以示眷懷

賜大遼賀正旦龍節使朝辭訖就驛酒果口宣

元祐三年十一月五日

有敕卿等畢事告旋指期言邁念征途之勞瘁迫徂
歲之沍寒體我至懷膺以寵錫

賜大遼賀正旦龍節人使朝辭訖歸驛御筵口宣

元祐三年十一月五日

有敕卿等聘事告成陞位言邁念歸途之云遠復賓

館之少留體我眷懷共茲宴喜

賜皇伯祖宗晟辭免起復恩命不許詔元祐三年

敕宗晟卿哀迫之至言不及文覽之惻然欲從所請而宗子之衆才性各殊位不期驕祿不期侈非卿允昭忠信力行禮義以身先之其無未易齊也少屈尔私以成吾志不亦可乎

賜皇伯祖宗晟辭免起復恩命不允詔

敕宗晟卿以強起就位而未使安而朕以徇私忠公為未盡美書云孝乎惟孝友于兄弟施於有政是亦為政夫聖人以孝弟而從政而卿以從政為非孝

非所聞也勉從朕命勿復以固辭

賜文太師已下罷以興龍節道場香酒果已宣

元祐三年十二月一日

有敕乃眷師臣身先百辟有嚴淨供祇薦萬齡宜有分頒以助燕喜

興龍節尚書省賜知樞密院事安燾已下酒果已宣

元祐三年十一月三十日

有敕卿等任重樞機忠存廟社屬誕辰之薦壽脩法會以告成錫以珍芳助其燕喜

賜皇叔徐王罷散曲已興龍節道場香酒果已宣祀

三年十二月二日

有敕卿望隆周召德邁問平屬誕慶之紀辰仗佛乘而薦祉助茲宴喜錫以柔嘉

賜濟陽郡王曹侑罷北散興龍節道場香酒果

口宣元祐三年十二月一日

有敕卿寵冠戚藩望隆在日德將祝無疆之壽故修最上之乘既徹淨筵宜膺龍錫

賜皇伯祖嗣濮王宗暉已下罷德興龍節道場

香酒果口宣元祐三年十二月一日

有敕眷我宗英乃心王室修彼龍天之供慶茲虹電之

祥宜有頒分以成燕喜

賜呈叔祖同知大宗正事宗景罷散興龍節

道場香酒果口宣元祐三年十二月一日

有敕乃眷宗英祇率藩服慶誕辰而薦壽修淨會以告成宜有頒分以助燕喜

十日賜大遼賀興龍節人使內中酒果口宣元祐三年十二月一日

四年十一月七日

有敕卿造廷稱壽率禮可觀豈惟鄰好之修亦見使華之美宜膺寵錫以示至恩

賜大遼賀興龍節人使生餼口宣元祐三年十二月一日

有敕卿等遠持慶幣申講鄰歡徒馭有華舍館方定
宜往餽牽之錫以旌郵傳之勤

班荆館賜大遼賀興龍節人使回程御筵口宣

元祐三年
十二月六日

有敕卿等告辭中禁改乘北轅屬晚歲之嚴凝念征
途之悠緬往頒嘉燕可復少留

班荆館賜大遼賀興龍節人使却回酒果口宣

元祐三年
十二月七日

有敕卿等改轅北路供帳都門風埃浩然徒馭勤止
宜膺寵賜以示恩華

瀛州賜大遼賀興龍節人使回程御筵口宣

三年十一月
二十七日

有敕卿等回車北道弭節邊亭使事已終歸驂少
憇往頒燕衍益厚眷存

故渭州防禦使宗孺出殯一夕祭文

惟靈飭躬寡過秉德不回莫克永年遂即長夜哀
榮之典國有故常死喪之戚予惟惻愴

故渭州防禦使宗孺下事祭文

嗚呼宗枝之秀罹此降災日月有時禮當即遠奄臨
窀穸肆設几筵往致予哀來歆此奠

賜皇弟普寧郡王似生日禮物口宣元祐三年十月七日
有敕朕之介弟生以茲辰眷棣萼之相輝祝椿齡之
難老宜同慶喜往致寵頒

堆州撫問大遼賀正旦人使口宣元祐三年

有敕卿等肅將慶幣來會春朝遠犯風埃實勞徒
馭欣聞入境良慰眷懷

賜河西軍節度使西蕃遼川首領阿里骨進奉

回程詔元祐三年八月三日

敕阿里骨卿屢款塞垣願終臣節爰因貢篚益
著誠心丹省忠勤良深嘉歎

皇帝回大遼皇帝賀興龍節書

世睦寶鄰申以無窮之好歲馳華使及茲載夙之辰
閱詞幣之兼隆識情文之備至願言欣感難悉究

陳

皇帝達

太皇太后回大遼皇帝問候書

遣使爲壽既欣隣好之修因書見誠兼致慈闈之
問侍言有次來意畢陳感悻之深敷陳罔既

劄子

臣今日準中書省批送到宗晟辭免起復恩命劄子

奉

聖旨送學士院降詔不允謹按宗晟飭行有素持喪中禮所辭恩命已四不允而宗晟確然固守其詞愈哀且曰念臣執喪報親之日短致命徇國之日長出於至誠可謂純孝臣謂宗晟未經祥練之變且無金革之虞孝治之朝宜聽所守因以風厲宗室庶皆守禮篤親顧不美哉若以宗正之任恐難其人亦當差官權攝須其從吉復以命之臣忝備禁從不敢不言所有不允詔書臣未敢撰取進止

賜皇伯祖宗晟辭免起復恩不許詔 元祐三年

敕宗晟卿致孝罔極守禮不回以魯衛之親而行曾閔之事吾深欲成人之美恐鄉之私顧以宗臣治親有國先務教以道藝時其冠昏獎察其賢能而訓適其驕惰非吾宗室之老也當父兄之任其深明吾意往服厥官

賜皇伯祖宗晟辭免起復恩命不允詔

元祐三年二月二十二日

敕宗晟君子之於禮雖先王未之有可以義起而况漢唐之舊故事且存如翟方進房喬之流皆以儒術致身不免於釋哀而謀國近歲夏竦晁宗慤亦以近臣奪喪君子不以為過今宗正之事止於治親庶不猶父

兄訓教子弟豈以衰麻之故而廢閨門之政乎卿其勿疑亟服乃事

東坡內制集卷第十

賜朝散大夫守尚書吏部侍郎克龍圖閣待制

傅堯俞乞外郡不允

詔元祐三年閏十一月十四日

堯俞卿望重本朝進由公議方卿大夫有為之際
六士君子難得之時而卿出領郡草入佐治典庸未
暖而輒去政何時而報亦疾行瘳姑安厥位

太皇太后賜門下

詔元祐二年閏二月十四日

敕門下官完之患所從來尚矣流弊之極實萃于

今以關計負至相倍蓰上旬父間失職之吏則下有
受言無告之民故命大臣考求其本苟非裁損入流
之數無以澄清取士之源言今自以眇身率先天下
求惟臨御之始嘗敕有司蔭補私親舊無定限自
惟薄德敢配前人已詔家庭之恩止從母后之比今當
又損以示必行夫以先帝顧託之深天下責望之重苟
有利於社稷吾無愛於髮膚矧此恩私實同毫末
忠義之士當識此誠各忘內顧之心共成節約之制今
後每遇聖節大禮生辰合行親屬恩澤並四分減一皇
太后皇太妃準此

賜皇伯祖宗晟辭免起復恩命許終喪制誥

三年閏十一月二日

敕宗晟夫衰麻之哀達於上下損益之變權以重輕雖事君均於事親而奪志難於奪帥既聽終喪之守以成致孝之全言念篤誠實增屢歎

賜端明殿學士銀青光祿大夫致仕范鎮將養諭

詔元祐三年閏十一月二日

敕范鎮朕惟春秋之後禮樂先亡秦漢以來韶武僅在散樂工於河海之上往而不還聘先生於齊魯之間有莫能致魏晉以下曹鄴無樂三豎藪樹之音已

雜華戎之器間有作者猶存典刑然銖黍之一差或宮商之易位惟我四朝之老獨知五降之非審聲知音以律生尺覽詩書之來上閱箕虞之在廷君臣同觀父老大息方詔學士大夫論其法工師有司考其聲上追先帝移風易俗之心下慰老臣憂君憂國之志究觀所作嘉歎不忘

賜保寧軍節度使知大名府馮京進奉賀興龍

節馬一疋并冬節馬二疋詔元祐三年閏十一月十八日

敕馮京卿坐鎮全魏隱若長城遠馳頌禱之心來效駢駢之貢眷言忠盡古長極歎嘉

賜泰寧軍節度觀察留後知相州李珣進奉賀冬

馬一疋詔元祐二年閏十二月十八日

敕李珣卿宣化近邦馳神北關屬茲陽月之吉遠效
王閑之良言念忠勤不忘嘉歎

賜殿前都虞候寧州團練使知熙州劉舜卿進

奉賀冬馬敕書元祐三年閏十二月十八日

敕劉舜卿職在分憂忠存衛上屬此泰正之旦遠輸
異產之良再省忠勤不忘嘉歎

賜大遼賀正旦人使正月一日就驛御筵口宣元祐

三年閏十二月二十五日

有敕使華遠至春律肇新即卿舍館之安昭我惠慈之
眷往陳燕豆以樂佳辰

賜大遼賀正旦人使內中酒果口宣元祐三年閏十二月二十五日

有敕卿等瑞節華軒來修舊好芳醪珍實以薦新
春膺此寵頒體予異眷

班荆館賜大遼賀正旦使臣回程御筵口宣元祐

二年閏十二月二十五日

有敕卿等使事告成旋車言邁方改轅於北道暫弭
節於都門昭示眷懷少留宴衍

賜于闐國進奉人正旦就驛御筵口宣元祐三年閏十二月九日

有敕重譯遠來觀光戾止屬人正之改律樂天叙之
發春宜示寵休式同燕喜

賜外任臣寮進奉與龍節馬詔敕書元祐二年閏十一月

二月十日

敕劉舜卿汝忠於衛上遠不忘君受困彌月之宸來
效充庭之禮眷言勤篤良極歎嘉

雄州賜大遼國駕正旦人使回程御筵兼傳宣

撫問口宣元祐二年閏十一月二十五日

有敕卿等已事告歸祝居少憇眷言長道遠犯餘寒
宜錫燕嘉以旌勞勩

賜大遼賀正旦人使銀鈔羅唾盃子錦被等口

宣元祐三年閏二月十八日

有敕卿等遠將鄰好來慶春朝眷言跋履之勤宜
有珍華之錫受茲異寵體我至懷

皇太妃宮閏慶落成開啓道場青詞

伏以良辰龍吉華構一新仰荷褒崇之私得伸鞠
育之報落成告備法會有嚴請命上穹馳神真
聖庶精誠之必達錫壽祉於無窮無任懇倒之至
玉津園賜大遼賀正旦人使射弓例物口宣元祐三年閏十一月

三年閏十一月三日

有敕射以娛賓抑將觀德發而命中曾不出正宜旌
審固之能膺受珍良之賜

瀛州賜大遼賀正旦人使迴程御筵口宣玩

開十二月十九日

有敕卿等已聘言還犯寒遠邁方脂車於道北復弭節
於邊城宜錫宴嘉以旌勞勩

班荆館賜大遼賀正旦人使却回酒果口宣既

四年正月一日

有敕卿等還璋言邁弭節少留念數密之方勤涉冰
霜之餘凜宜陳燕俎以寵歸軒

正月六日朝辭訖就驛賜大遼賀正旦人使

進口宣既既四年

有敕卿等使事告成陞辭言邁命近臣之往勞庶
遠道之少留體我眷懷共茲宴衍

賜中大夫守尚書左丞王存生日詔

元祐四年正月四日

敕王存存易之泰與物皆春於時良臣生我王國宜
膺寵賚以介壽祺

賜龍圖閣直學士正議大夫權知開封府呂公

孺上表陳乞致仕不允詔

元祐四年正月五日

敕公孺朕雖鳴而起志於求助鮒背之老未敢即安

矧卿體力不衰髮齒猶壯遽有引年之請殊乖圖
舊之心宜安厥官以稱朕意

賜呂公孺上表陳乞致仕不致詔

敕呂公孺卿將相三世凜乎正始之風出入四朝蔚
然難老之狀浩穰之治談笑而成方觀報政之能遽
有歸休之請公議未可卿其少安

撫問鄜延路臣寮口宣元祐四年正月八日

有敕卿等分寄邊陲輯寧吏上卷言勤勩良拯軫
懷往致朕言各宜尚慎

賜光祿大夫守吏部尚書兼侍讀蘇頌上表

乞致仕不許詔元祐四年正月十三日

敕蘇頌吾聞有志之士以身御道而遺名有道之君使
人樂用而忘老今而不安其位豈吾有愧於古哉夫難
進之士年僅及而輒退則已試之才吾莫得而盡用矣
激揚多士方資崔毛之德講誦舊聞未卒楮馬之業
事非小補卿其少安

賜蘇頌上表陳乞致仕不允詔

敕蘇頌卿歷事四朝允有一德徒論徐公之奢儉莫
見子文之愠喜朕既寤寐折士體貌元臣乃貴德齒
之達尊豈求筋力之常禮矧卿方膺難老之錫宜

勸益壯之心惜日有為古人所重引年求去公議未安
勉為朕留以慰人望

賜濟陽郡王曹侑在朝假將百日特與寬假將
理詔天祐四年正月

敕曹侑卿賢戚姑之二德齒並隆眷言朝請之勤思見
儀刑之老謝病所以久軫念良深推予賜告之恩期於
勿藥之喜宜特與寬假將理

賜西南蕃吳世忍等進奉勅書元祐四年正月二十一日

敕莫世忍汝守土遐陬歸誠北闕梯山修貢疑寒
觀光言念忠勤至於嘉歎

靈景宮宣平殿開啓

神宗皇帝忌辰道場齋文元祐四年正月二十四日

伏以至德難名已立配天之極孝思永慕蓋有終身
之憂惟是佛乘庶資冥福屬弓劍上賓之日就衣
冠出游之庭虔設淨筵俾嚴勝果庶超真覺永
庇含生

賜光祿大夫守吏部尚書兼侍讀蘇頌上第

二表陳乞致仕不允詔元祐四年二月二日

敕蘇頌夫天以多文正寧王國而祖宗以成德遺後人
方使壽考康彊以究其用而朕乃以引年而聽其

去可乎矧卿銓綜之精談笑而辨勉思職事以稱朕心

賜蘇頌上第二表陳乞致仕不許詔

救蘇頌天官之任老成所宜坐執銓衡有山公晚年之故事薄言煩雜獨蕭俛一時之偏詞卿其摠攬綱條闊畧苛細委此退食以慰士心

東太一宮翻殿宇奏告十神太一真君祝文

元祐四年正月七日

於穆祠官有嚴春祀吏以時而按視工揆日以修完庶就絜新永綏靈御仰祈昭鑒大庇含生

故尚服劉氏堂祭文

六月八日下院

惟靈深德倍林廷服勤內職逮茲淪謝良用愍傷饋奠之儀哀榮兼至

故尚服劉氏墳所祭文

六月八日下院

惟靈服勤有年罹命不淑奄奄多事日月有時念尔永歸歆予一奠

撫問廊延路臣寮口宣

六月十一日下院

有敕卿等各膺器使祗服邊陲眷茲靖安時乃忠力特加勞問以示顧懷

新除權禮部尚書日梁肅辭免恩命不允詔

十一日
下院

敕梁燾卿出處以義進退以禮昔請補外朕不得已而聽其去今茲選用衆以為宜而恨其晚而卿又固辭豈朕所望成命不易其速造朝

賜宣徽南院使克太一宮使馮京乞依職任官

例祇赴六參不允詔

六月十四日下院

敕馮京朕以卿耆老厚德重煩以庶事而卿篤恭盡禮自同於有司既朝朔望尚復懇請雖抑抑自警知卿有衛武之風而僕僕亟拜非朕待子恩之意宜遵前人以副眷懷

賜右正議大夫守尚書左僕射呂大防生日詔

六月十五日下院

敕大防股肱之良與國為重家庭之慶亦朕所同適斯千獻夢之辰均既醉太平之福膺予寵錫介爾壽祺

賜右正議大夫守尚書左僕射呂大防生日禮

物口宣

六月二十一日下院

有敕惟茲穀旦生我元臣爰分服食之良往助闈門之喜式為爾壽宜識朕心

賜皇叔徐王顥生日禮物口宣

六月二十一日下院

有敕乃眷賢主實為社稷之衛載臨誕日永集邦家
之休臨遣使車往致眉壽

就驛賜大遼賀坤成節人使銀鐸等口宣六月二十

三院日

有敕卿等遠勤使節展慶誕辰畏暑長途方即
安於舍館精金良幣宜往致於恩私

賜翰林學士中大夫兼侍讀趙彥若辭免國

史脩撰不允詔六月二十三日下院

敕彥若卿學世其家宜居載筆之地官宿其業已
奏殺書口之書自託不能殊非所望祗膺威命毋復固辭

賜皇弟大寧郡王必生日禮物口宣六月二十五日下院

有敕桑達示喜復臨載育之辰金幣展親往致友
于之愛膺予寵賚俾爾壽昌

賜五臺山十寺僧正省奇等獎諭敕書六月二十三日下院

敕異景靈光久聞示化寶祠淨供爰膺誕彌念此
恭勤至於嘉歎

賜河東節度使太師開府儀同三司太原尹

致仕文彥博溫溪心馬詔七月二日下院

敕彥博惟我宗臣名震夷落狼心缺舌知獻厥誠朕

以張真拒羗之獻不如旅葵昭德之致已敕邊使答賜所直其馬今以賜卿至可領也

班荆館賜大遼賀坤成節國信使副到闕酒果口

宣七月四日

有敕卿等抗柵遠道解鞅近郊念館舍之未安宜鑿駢之少憇式頒芳旨以示眷懷

賜馬步軍大尉姚麟已下罷散坤成節道場香

酒果口宣七月四日

有敕卿等誕辰祇慶法會曾告成嘉與函生同躋壽域往頒芳旨以勞忠勤

賜大遼賀坤成節使副生餼口宣七月六日

有敕卿等抗旌暑路弭節驛亭眷惟行李之勤往致珍鮮之醜膺茲寵數服我眷懷

雄州白溝驛賜大遼賀坤成節人使却回御筵

兼傳宣撫問口宣七月六日

有敕卿等飛蓋西風改轅北道喜山川之漸近忘徒御之久勞往致眷懷少留燕術

玉津園賜大遼賀坤成節人使射弓例物口宣

七月八日

有敕卿等圭璋致命既已講歡弓矢娛賓亦將觀德

宜有瓊華之賜以旌審固之能

賜平海軍節度使駙馬都尉李瑋已下罷散

坤成節道場香酒果口宣七月九日

有敕卿等義重戚藩志同忠報屬誕辰之均慶嘉

法會之告成宜示褒優特加寵賚

賜殿前都指揮使以下罷散坤成節道場香酒

果口宣七月九日

有敕誕彌之慶海宇攸同嘉將帥之協恭設人天

之妙果宜均寵錫以示褒優

賜皇伯祖高密郡王宗晟已下罷散坤成節

道場香酒果口宣七月九日

有敕眷我宗英志存忠報修等慈之妙供祝難老之

昌期嘉此精誠均其慶賜

賜同知樞密院事韓忠彥已下罷散坤成節道

場香酒果口宣七月九日

有敕嘉我樞臣義均一體修茲淨供慶續千齡不有

寵頒曷旌忠報

相州賜大遼賀坤成節人使却回御筵口宣七月九日

九月九日

有敕鄰好既成使華有耀眷邦畿之漸遠念郵傳之

方勤服我恩私少留燕喜

賜大遼國賀坤成節使副時花酒果口宣七月十一日下院

有敕鄰歡既展賓館歸休宜分醖竿之醇復致瓜華之侑少將至意其服茂恩

坤成節尚書省賜宰臣已下御筵酒果口宣十一月十一日下院

有敕忠存柱石誠貫人天共欣誕日之臨既畢祗園之會宜頒茅旨以助燕私

皇帝達

太皇太后迴大遼皇帝賀坤成節書

星火西流慶慈闈之誕日皇華北至講鄰國之誠言既達來音俾修報禮感銘之素敷述難周

皇帝迴大遼皇帝問候書

輶車重幣已修交慶之儀尺素好音復講久要之信屬臨素節允迪純禧益冀保願式符企詠

坤成節賜同知樞密院事韓忠彥已下尚書省

御筵酒果口宣七月十一日下院

有敕修佛勝因祈天永命既肅成於梵供益表見於忠誠宜有寵頒想同燕喜

賜徐王罷散坤成節道場香酒果口宣七月十一日下院

有敕卿親賢莫二忠孝實兼饌蒲塞於祗園薦椿齡於崇慶喜成法會日宜有寵頒

賜大遼賀坤成節人使朝辭訖歸驛御筵口宣

七月十二日下院

有敕卿等已聘告歸少休就館即頒燕俎臨遣輔臣式示異恩以榮回馭

班荆館賜大遼賀坤成節人使回程御筵口宣

七月十一日下院

有敕卿等方事回轅聊茲弭蓋念征途之尚永加利暑之未衰往錫燕嘉少休徒馭

賜宰相呂大防已下罷散坤成節道場香酒果

口宣吐附誌

有敕卿等竭誠衛上體國均休恪修西竺之儀仰獻南山之祝宜膺寵錫以示褒優

賜大遼賀坤成節使副內中酒果口宣

七月十二日下院

有敕卿等來陳慶幣克講鄰歡載嘉嘉遠聘之勤宜示寵綬之意頒茲芳旨服我恩私

賜大遼賀坤成節人使朝辭訖歸驛酒果口宣

七月十二日下院

有敕卿等遠敷使事率禮無違既上詞辭宜

日宜加頒錫益示寵榮

坤成節就驛賜阿里骨進奉人使御筵口宣

院下

有敕汝等來修貢篚適逢誕辰宜均慶賜之恩共
樂亨嘉之會往頒燕俎咸極歡心

瀛州賜大遼賀坤成節人使回程御筵口宣

十四日
下院

有敕鞭轡之勞封疆漸爾雖勤歸念少憇暑途服
我恩私式同燕喜

坤成節就驛賜于闐國進奉人使御筵口宣

有敕汝等奉深遠至授館少留適逢誕辰宜均慶澤

十四日
下院

欽承恩渥共樂燕私

班荆館賜大遼賀坤成節人使回程酒果口宣

七月十七日
下院

有敕卿等奉璋來聘珥節言還眷此暑途少留歸
馭往頒燕俎式示恩私

賜夏國主進奉賀坤成節回詔

七月二十日
下院

敕節紀誕彌慶均臨照眷守邦之雖遠亦執執以奉
同嘉與朝臣咸稱壽寧載惟忠恪且有寵頒

東坡內制集卷第十

樂語附

坤成節集英殿宴教坊詞
元祐二年七月十五日
教坊致語

臣聞視履考祥既占衷月之夢對時育物必有繼天之功方大火之西流屬陰靈之既望帝於是日誕降仁人意使斯民咸歸壽域共慶千年之遇得生二聖之朝式宴示慈與民同樂恭惟皇帝陛下文思天縱睿哲生知力行禹湯之仁常恐一夫之不獲躬蹈曾閔之孝故得萬國之歡心恭惟太皇太后陛下道契天人德超載籍知人則哲蓋帝堯之所難修

已安民雖虞舜其猶病風雲從而萬物覩日月照而
四時行自然動植之咸安莫知天地之何力三宮交
慶羣后駿奔寶鄰通四牡之歡航海致重譯之贐洞
庭九奏始識咸池之音靈嶽三呼共獻後天之祝臣
等叨居法部輒採民言上瀆宸聰敢陳口號

口號

三朝遺老九門前又見承平大有年文母憂勤初化
俗曾孫仁孝已通天史書元祐三千牘樂奏坤成第
一篇歆採蟠桃歸獻壽蓬萊清淺半桑田

勾合曲

秋風協應生殿閣之微涼廣樂具陳韻金絲而間作
欲觀鳥獸之率舞願聞笙磬之同音上奉宸顏教
坊合曲

勾小兒隊

朱干玉戚本以象功白叟黃童皆知頌聖盍命髡髻
之侶來陳舞勺之儀上侑皇歡教坊小兒入隊

隊名

願同千歲樂長奏太平謠

問小兒隊

鎬京廣燕万雲集於搢紳沂水游童勿忽是趨於庭庶

雖云小技必有可觀咫尺 天顏悉言汝志

小兒致語

臣聞功存社稷慶鐘高密之門澤及本枝天祚太任
之德侯西風之入律萬瑞氣之盈庭嘉與四方同稱
萬壽恭惟 皇帝陛下文思稽古濬哲在躬日奉東
朝之歡率用家人之禮以謂慈儉之化無德而能名
保佑之功如天之難報惟流傳於歌舞庶髮歸其儀
刑臣等雖在弱齡久陶孝治敢率垂髫之侶共陳振
萬之儀未敢自專伏取 進止

勾雜劇

鸞旗日轉雉扇雲開暫是回綴兆之文少進排諧之技
來陳善戲以佐歡聲上樂 天顏雜劇來歎

放小兒隊

青衿旅進雖未技而畢陳黃屋天臨知下情之無壘
既成文於綴兆爰整袂以徘徊再拜天階相將好去

勾女童隊

彤壺漏箭隨雞唱以漸移絳節綵髻聞鳳簫而自舉
宜召散花之侶來陳回雪之姿上奉宸歡兩軍女童

八隊

隊名

金風回翠袖 玉瑄倚清歌 樂隊

問女童隊

鳳歌諧律方資燕俎之歡 鷺羽分庭忽集壽山之卜
低鬟有待振袂欲前密邇天堦悉陳來意

女童致語

妾聞金山啓夏來玉帛於萬邦 挈仲與周昨本技於
百世嘉辰共樂壯觀一新恭惟 皇帝陛下舜孝自
天堯仁浹物膺昊穹之成命 席累聖之詒謀惟地勢
坤永載無疆之德以天下養躬持胥樂之飭六樂在
庭百工奏技妾等親逢盛旦獲白皇嚴宸藝雖愧於鶯

鴻心已先於儀鳳願陳舞綴上奉天顏未敢自專伏
取進止

勾雜劇

風清羽蓋日轉槐庭欲資載笑之歡必有應諧之妙
暫回舞綴少進詠辭上悅天顏雜劇來歟

放隊

以音間作既成嚶繹之文萬舞畢陳曲盡回翔之態
皇形闡而却立斂翠袂以言歸一拜天揮相將好去

集英殿秋宴教坊詞

教坊致語

臣聞天無言而四時成聖有作而萬物覩清淨自化
雖仰則於帝心愷悌不回亦悅同於衆樂屬此九秋
之候粲然萬寶之成吾王不游何以勞農而休老君
子如喜則必大亨以養賢慕惟 皇帝陛下孝通神
明仁及草木行克禹之大道守成康之小心華夷來
同天地並應以謂福莫大於無事瑞曷加於有年南
極呈祥候秋分而老人見西夷慕義涉流沙而天馬
來嘉與臣工肅陳燕俎禮元侯於三夏諧庶尹於九
成宣示御觴聳近臣之榮觀臚傳天語溢兩無之歡
聲臣等幸親昌辰叨塵法部詠謠言於擊壤助矇眊

之陳詩沈奉威顏敢進 口号

口号

霜霏杯碧瓦尚生烟日泛彤庭已集仙藹藹四門多吉
士熙熙萬國屢豐年高秋爽氣明宮殿元祐和聲入
管絃菊有芳兮蘭有秀從臣誰和白雲篇

勾合曲

西風入律間歌秋報之詩上兩篇在廷備舉德音之器
絃匏一倡鐘鼓畢陳上奉 宸嚴教坊合曲

勾小兒隊

皇慈下逮聲百執以均歡衆技畢陳示四方之同樂

宜進垂髫之侶來脩秉翟之儀上奉威顏教坊小兒
入隊

隊名

登歌依頌磬下管舞成童樂隊

問小兒隊

大君有命肆陳管磬之音童子何知入造工師之末
以詳來意宜悉奏陳

小兒致語

臣聞天行有信正得秋而萬寶成君德無私日將旦
而四平陰伏清風應律廣樂在庭占歲事於金穰望天

顏之玉粹沐浴膏澤詠歌升平恭惟 皇帝陛下天
縱聰明日躋聖知無一物之失所得萬國之驩心雖
擊壤之民固何知於帝力而後天之祝亦各抒於下
情臣等幸以紹亂之年得居仁壽之域詠舞雩於沂
水以樂聖時唱銅鞮於漢濱七新懸臣曲願陳舞綴少
奉 宸歡未敢自專伏候 進止

勾雜劇

朱絃玉琯屢進清音華翟文竿少傳逸綬宜進詠諧
之技少資色笑之歡上悅天顏雜劇來歟

放小兒隊

回翔丹陛已陳就日之誠合散廣庭曲盡流風之妙
歌鐘告闕羽籥言旋再拜 天階相將好去

勾女童隊

錦薦雲舒來九成之丹鳳雲衣鱗集隱三鼎之靈龜
上奉 宸嚴教坊女童入隊

隊名

香雲浮繡展 花浪舞 彤宮樂隊

問女童隊

清林深嚴方措紳之雲集八音彈緩忽鏡日珥之星陳
徐步香茵悉陳來意

女童致語

妾聞鈞天廣樂空傳帝所 游閭闔清風理絕庶人
之共夫何僊聖靡隔塵口 以瞻八采之威自慶千齡
之運恭惟 皇帝陛下 健而粹离明而文規摹
六聖之心人將自化儀 文母之德天且不違樂
茲大有之年申以示慈 會虞韶既畢夏箏將興
妾等分綴以涓審音而化 願俟工歌之闋少同率舞
之歡未敢自專伏敢 進 止

勾雜劇

絃匏迭奏干 羽畢陳洽 聞舜樂之和稍進齊諧之

技金絲徐韻雜劇來歟

放隊

羽鶴湛湛方陳既醉之

詩鼉鼓淵淵復奏言歸之曲

歲鑿佇立歛袂却行再

拜天階相將好去

興龍節集英殿宣

教坊詞元祐二年

教坊致語

臣聞帝武造周已兆坤六王之迹日符胙漢實開受命

之祥非天私我有邦以聖乃作神主仰止誕彌之慶

集于建丑之正瑞三以庭爰講比鄰之好虎臣在洋

復通西域之琛式然不慈與人均福恭惟皇帝陛下

下眷思冠古濟世自

八煥乎有文日講六經之訓遂

而不作思齊累聖之

一夷夏宅心神人協德卜年七

百方過曆以承天有

三三千咸一心而歲后彤庭採

萬玉座傳觴誦干戈

戢之詩作君臣相悅之樂斯

民何幸白首太平臣

以微生親逢盛旦始慶荷

之會頌慶擊壤之音下

民言上陳口號

口號

凜凜重瞳日月新四方

為喜識天人共知若木初并

旦且種蟠桃莫討春請

史黑山歸屬國給扶黃髮拜

嚴宸紫皇應在紅雲裏

詞問清都侍從臣

勾合曲

祝堯之壽既罄於歡謔言舜之功願觀於備樂羽旄
在列管磬同音上奉定嚴教坊合曲

勾小兒隊

魚龍奏技異陳詭異之類類韶夔成童各效回旋之妙
嘉其尚幼有此良心仰嘉宸慈教坊小兒入隊

隊名

兩階陳羽籥萬國走揚州樂隊

問小兒隊

工師在列各懷自獻之能能天子為庶民必有可觀之技

不知來意宜悉奏陳

小兒致語

臣聞生民以來未有祖宗之仁厚上帝所眷錫以

聖神之子孫乎佑下民萬生我后瞻舜舜之日月皇

堯顛之山河若帝之初遠四聰於無外如川方至傾

萬宇以來同恭惟皇帝陛下下拜聖廣淵剛健萬寶

識文武之大者體仁孝於自然然歌詩思齊見文王之

所以聖誦書無逸法中宗之不取康詒日載臨輿情

共祝神筭授萬年之筭汝書開五福之祥臣等壽考

天樹沐浴皇化欲陳舞蹈之意不知手足之隨未敢

自專伏取 進止

勾雜劇

金奏鏗純既度九韶之曲霓衣合散又陳八佾之儀
舞纓新舞伶優間作再調絲竹雜劇來興

放小兒隊

游童率舞逐物性之熙怡小兒畢陳識天慈之廣大
清歌既闋疊鼓屢催再舞天此相持好去

勾女童隊

垂髫在列欵袂稍前豈知北里之微牧歌南山之壽
霓旌分集金奏方諧上奉威靈西軍女童入隊

隊名

君臣十載遇歌舞八方同樂隊

問女童隊

榜過吳作旌夏前臨顧游女之何能造形庭而獻技
欲知來意宜悉奏陳

女童致語

妾聞瑞已來翔共紀生商之兆丑年龍下集適同浴佛
之辰佳氣充庭和聲載路輦出之以而雷動扇交翟以
雲開喜動人天春還草木恭惟 皇帝陛下疑神昭

曠受命穆清三后在天宜興王之世有四人迪哲知
享國之無窮乃眷良辰欲均景福庭設九賓之禮樂
歌四社之章妾等幸覩昌期獲預文華雖乏流風之
妙願輸率舞之誠未敢自尊伏惟
進止

勾雜劇

清淨自化雖莫測於宸心誠笑也陳示悅同於衆樂
益絲再舉雜劇來歎

放女童隊

分庭久立漸移愛日之陰振袂一舞成曲盡回風之能
龍樓却望鼙鼓安准再拜
天吐日相將好去

紫宸殿正旦教坊詞
元祐四年

教坊致語

臣聞行夏之時正莫加於人統採周之舊王方在於
鎬京惟吉月之布和休庶工而末作使華遠集鄰好
交修萃簪笏於九門來車書於萬里將興嗣歲以樂
太平恭惟 皇帝陛下躬履至仁誕膺眷命法天地
四時之運民日用而不知傳祖宗六聖之心我無為
而自化九德咸事三年有成始御八音之和以臨元
日之會人神相慶夷夏來同正等忝與賤工得親止
觀知與情之願頌願盛德之也邦形不度荒蕪敢進口號

口號

九霄清蹕一聲雷萬物欣榮意已開曉日自隨天仗
出春風不待斗杓回行看莒菜催耕籍共喜椒花映
壽杯欲識太平全盛事師師鵲鷺滿雲臺

勾合曲

東風應律南籥在庭餞臘迎春方慶三朝之會登歌
下管願聞九奏之和上悅天顏教坊合曲

勾小兒隊

工師奏技咸踴躍以在庭穉孺聞音亦回翔而赴節
方資共樂豈間微情上奉宸歡教坊小兒入隊

隊名

仙山來絳節雲海越羣鴻樂隊

問小兒隊

六樂充庭九賓在列何彼垂髫之侶欲陳振袂之能
必有來誠少前敷奏

小兒致語

臣聞正月上日萬壽永所以更新羣臣嘉賓四方於是
觀札雪方占於上瑞風已告於先春及此良辰設為
高會恭惟皇帝陛下子來九有天覆兆民煥乎其
有文章昭然若揭日月安西都護來輸八國之琛南

極老人出效萬年之壽還圭璋於鄰使受圖籍於春
朝擊石攢金奏鈞天之廣樂跳九舞索戲平樂之都
場臣等沐浴太平詠歌新歲鼓舞咸韶之韻踏揚鳥
獸之間未敢自專伏候 進止

勾雜劇

以雅以南既畢陳於衆技載色載笑期有悅於咸顏
舞綴暫停優詞問作金絲徐韻雜劇來臨

放小兒隊

酒闌金殿既均湛露之恩漏減銅壺曲盡流風之妙
望彤澤即申祝整翠袖以言歸再拜天堦相將好去

興龍節生靈殿宴教坊詞

教坊教語

臣聞天所眷命生而神靈惟三代受命之符萃于
茲日實萬世無疆之福延我民候南極之祥輝交
北鄰之瑞節同趨錫燕爭聖堯封恭惟皇陛下格
古溫文乘乾剛粹體生知一而猶學藏妙用於何言
故得六聖承休三靈眷佑德隆星畀各齊六符而泰
階平何行地中錫九疇而聖契倫正屬誕彌之令旦
履長發之嘉祥風設九山負於廷遍舞六代之樂
日無私於臨照葵藿自傾天有信於發生勾萌必

達臣等歷歷法部獲造以少墀下採民言口得三萬
之謠頌登歌壽學以八千歲為春秋
進口號

口号

風卷雲舒合兩班瞳瞳瑞
映天顏觀書已獲千秋
鏡積德長為萬歲山
臘雪未消三務起
壬人不用
五兵閑相逢父老爭相賀
却笑華胥是夢間

勾合曲

笙磬同音考中聲於神鼓
鳥獸率舞浹和氣於敷
天上奉宸歡教坊合曲

勾小兒隊

衆技旒庭振歡聲於無外
以幼童頌聖陶至化於自
然上奉皇威教坊小兒入隊

隊名

壤歌皆白髮象舞及青
以所樂隊

問小兒隊

跳踉廣陌初疑竹馬之遊
合散彤墀忽變驚鴻之
狀欲知來意宜悉敷陳

小兒致語

臣聞流虹啓聖非人力所致
之符湛露均恩與天下共享

其樂旁行海宇外薄戎夷咸以載風之辰共誠無疆之祝共
惟皇帝陛下神武不殺將聖多能天生德於予既而崇御齊
之賢人樂告以善輔成經緯之文法慈儉於東朝細詩
書於西學載臨誕日俛答輿望非為靡曼之觀庶備太平
之福臣等樂生齷齪學樂父師就列紛紜雖無殊於鳥獸
赴音俛仰亦少效於消塵未敢自專伏候進止 勾雜劇
樂且有儀方君臣之相悅張而不弛豈文武之常行欲佐
歡聲宜陳善謔金絲徐韻雜劇來歌 放小兒隊
末技畢陳下情無壅既成入於綴兆猶歛袂以回翔
再拜天堦相將好云

勾女童隊

飛步壽山起香塵於羅襪散花御路泛回雪於錦茵
上奉 宸顏兩軍女童入隊

隊名

生商來瑞氣 浴佛降群龍 樂隊

問女童隊

玉座天臨雖仙凡之有隔翠鬢雲合豈草木之無知
密邇天堦悉陳來意

女童致語

妾聞千里一曲變登瀛於濁河萬歲三稱隱歡聲於

靈岳天人並應夷夏來同雖云北里之微敢獻華封
之祝恭惟皇帝陛下睿文冠古神智無方同亮舜之
性仁而能濟衆恆成康之刑措猶待積年共欣建丑
之正再覩興龍之會桑田東海傾壽筭而未乾汗竹
南山書頌聲而無極妾等幸緣賤藝獲均載頌振萬
于庭欲赴干旄之節問歌以雅庶諧笙磬之音未敢
自專伏候 進止

句雜劇

舞綴暫停歌鐘少闕必有應諧
上悅天顏雜劇來歟

妙以資載笑之歡

放女童隊

振袂可成曲盡回風之妙分庭又立漸移愛日之陰
再拜天堦相將好去

樂語終



書